

# Powšitkowne WOZJEWJENJA

njedźelu, 1. meje 2011

## Mejski nyšpor młodžiny

Wšitcy serbscy młodostni su njedźelu, 1. meje, wutrobnje na mejski nyšpor do Wotrowa přeprašeni. Nyšporej, kotryž započnje so w 14 hodź. w cyrkwi, přizamknje so zhromadna swačina

## Duchowna hudźba

Lětuši přeni koncert w rjedže duchowna hudźba w Budyskej tachantskej cyrkwi poskići so zajimcam njedźelu, 1. meje, we 18 hodź. Program wuhotuja Madgalena Böhme na huslach, Wolfgang Böhme na marimbofonje a tachantski kantor Friedemann Böhme na piščelach.

## „Z cyrkwu žiwy być – pod změnamy ćerpjeć abo přichod tworić?“

Čłonojo wosadnych radow a Towarstwa Cyrila a Metoda z.t. (TCM) su přeprašeni na zhromadne zarjadowanje sekcije TCM wěda a skutk a Budyskeho dekanata pod temu „Z cyrkwu žiwy być – pod změnamy ćerpjeć abo přichod tworić?“, kotraž budže njedźelu, 8. meje, w Chrósćicach. Zawod poda ordinariatny rada farar Benno Schäffel. Zarjadowanje započnje so we 8.15 hodź. na farje a zakónči so z Božej mšu w 10.30 hodź..

## Smječkečenje putnikuja do Róžanta

Smječkečenje putnikuja njedźelu, 8. meje, do Róžanta. Přeprašamy wutrobnje wšitkich wjesnjawanow, ale tež wšitkich kotřiž so z nami zwjazani čuja, abo bychu rady sobu putnikowali. Procesion woteńdže w 7.45 hodź. wot wjesneho swjateho křiža. Kemše w Róžeńče wjesny muski chór wobrubu.

*W. Brězan*

## Nyšpor z požohnowanjom motorskich

Popołdno z požohnowanjom motorskich zahaji so njedźelu, 8. meje, w 14 hodź. z nyšporom w Ralbičanskej cyrkwi. Po nim požohnuja so motorske. Přizamknje so wulět

## Mejski nyšpor TCM w Róžeńće

Towarstwo Cyrila a Metoda z.t. přeprašuje njedźelu, 8. meje, wutrobnje na mejski nyšpor do Róžeńčanskeje swjatnicy. Nyšpor, kotryž započnje so w 17 hodź., změje Bačoński farar Gerat Warnar.

## Za wulět samostejacych so přizjewić

Samostejacy ze serbskich wosadow změja wutoru, 24. meje, swój lětuši zhromadny wulět z busom. Hłowny cil je Weimar. Zajimcy njech so hač do pjatka, 13. meje, w redakciji Katolskeho Posoła přizjewja, telefonowe čisło (0 35 91) 55 02 12. Časy wotjězda busa z jednotliwych wsow so po zwučenyj wašnju njedźelu do wulěta wozjewja.

## Zhromadny dzeń za 1. a 2. lětnik

Šulerki a šulerjo 1. a 2. lětnika su sobotu, 14. meje, wot 9.00 do 15.00 hodź. na kubłanski dzeń do Don Boskoweho domu we Worklecach přeprašeni. Za wudawki dnja zhromadži so wot kóždého wobdźělnika přinošk we wysokosći 3 eurow. Zajimcy njech so prošu hač do srjedy, 11. meje, we Worklecach přizjewja, telefonowe čisło (03 57 96) 8 87 07.

## **Prěnja proba projektowego chóra**

Projektowy chór, kotryž budže na Božej mši k zbóžnoprajenju kapłana Alojsa Andrickeho w Drježdžanach sobuskutkować, změje swoju přěnu probu sobotu, 7. meje, w 16.30 hodź. na Krawčikec žurli w Chrósćicach, nic w Jednoće. Prosy so naležnje, zo bychu so wšitcy wobdžělili.

## **Putnikowanje staršich a chorych ludźi do Róžanta**

Putnikowanje staršich a chorych ludźi ze serbskich wosadow do Róžanta budže sobotu, 7. meje. W 13.30 hodź. je w cyrkwi modlenje swjateho róžowca, kotremuž přizamknje so w 14 hodź. Boža mša. Na njej wudžěli so tym, kotřiž sej to přeja, žalbowanje chorych. Po kemšach poskići so swačina. Swjata spowědź budže za čas róžowca.

## **Jubilejne pory k biskopej přeprašene**

Drježdžansko-Mišnjanski biskop Joachim Reinelt přeprašuje mandželskich, kotřiž wosweća w běhu lěta 2011 jubilej, sobotu, 10. septembra, do Drježdžan. Zajimcy měli so pisomnje w pastoralnym wotrjedže biskopskeho ordinariata přizjewić a swoju adresu kaž tež jubilej podać: z póstom na Bischöfliches Ordinariat, Abteilung Pastoral, Käthe-Kollwitz-Ufer 84, 01309 Dresden, z faxom na čisło (03 51) 3 36 16 01 abo z e-mail na [Pastoral@Ordinariat-Dresden.de](mailto:Pastoral@Ordinariat-Dresden.de).

## **Pěši do Częstochowy**

Tež lětsa pozbudža farar Beno Jakubaš, so w serbskej skupinje na putnikowanje z Waršawy do Częstochowy podać. Budže to jubilejne 300. putnikowanje wěriwych z Waršawy do Częstochowy. Hić smě kóždy sobu, kotryž je 18. žiwjenske léto docpěł. Termin putnikowanja je wot 5. do 15. awgusta. Zajimcy njech so bórže přizjewja pola fararja Bena Jakubaša w Njebjelčicach, telefonowe čisło (0 35 78) 30 20 05.